

in South

g



M Ex Bibliotheca  
majori Coll. Rom.  
Societ. Jesu

85.  
E  
44





D E  
SANCTITATE VITÆ,  
Heroicis virtutibus, & Miracu-  
lis, quibus in vita, & post  
mortem claruit

B. IOANNES  
D E I

*Religionis Fratrum Hospitalitatis,  
& Infirmis Ministrantium  
Fundator*



AD SANCTISSIMVM D.N.  
VRBANVM VIII.

Pont. Opt. Max.

R E L A T I O

Ioannis Baptistæ Coccini Decani  
Philippi Pirouani, &  
Clementis Merlini

} Rotæ  
Auditorum.

*Necnon Relatio eorum, quæ postea subsecuta fuerunt  
usque ad Decretum Canonizationis.*



ROMÆ, Typis Reuerendæ Cam. Apost. MDCXC.

---

SVPERIORVM PERMISSV.

STATISTICAL

8-10 AMES

DEF

VIRBANA VII.

OTHELLO

1. *Chamaecrista* *Michx.*  
 2. *Philadelphus* *Pursh.*  
 3. *Leucis* *Leprieux* *Decand.*

ROMAN Typis Perpetuus Cuius A. 1710. MDCCX.

# BEATISS. PATER. <sup>3</sup>



*A* M non ultionum Domi-  
nus, sed misericordiarum  
Pater, & Deus totius con-  
solationis, quemadmodum  
in Sole, in quo tabernacu-  
lum suum posuerat, exoriens ad dilectissi-  
mæ Sponsæ thalamum processurus, lucis  
sue prænuntium Sydus in Orientali Pale-

Sap. 6.

Ecc. 43. 2.

Ecc. 1. 2°

stine Cælo, Ioannem, inquam, præmisit, qui perhibens testimonium de lumine puriores aduenientis Fidei radios testaretur, notumque omnibus faceret, quoniam oportebat ad salutem, ac benedictionem nostram, peruenire Solem, quem ad ortum lucis adoraremus. Ita sanè cum superioribus sæculis abundaret iniquitas, & charitas Dei, quæ in multis refrigescibat, & ad occasum peruenerat, iterum apparere deberet in nobis, Ioannem alterum missum à Deo redeuntis charitatis non præcursores, sed in Occidenti Hispaniarum Cælo renascentem Solem vidimus, Solem verè, qui in primo lucis sue aspectu ad extremum usque vitalis luminis spiritum dilectionem in proximū, miserationem in pauperes, pietatem in infirmos annuntiavit, vas admirabile Diuinæ electionis, opus excelsum Omnipotentis dexteræ Dei, non intermissa laborum, reuolutione, Oriens, & Occidens, & ad locum suum, nempe in Diuini amoris firmitamentum reuertens, ibique resumptis, vel viribus, vel fulgoribus, renascens girauit per medium charitatis, flectens ad Aquilonem patientiæ, & tolerantia, lustrans uni-



5  
vniuersa in circuitu terrarum ad subsi-  
dia, opemque proximi indagandam.

Hunc igitur Solem Ioannem Dei appela-  
tum, cuius aurora Lusitania primis  
excepit, meridianos vero radios Castella  
diutius suspexit, vel vrentes, viuidos-  
que saluberrimè experta est, non conui-  
uentibus S. V. oculis exponimus, ut eam  
benefico B. V. intuitu in Ecclesie militan-  
tis Olympo assequatur immortalitatem,  
quam humane vitæ spatia fortiter eme-  
tendo in perenni Sanctimonie, ac pietatis  
Solstitio sibi stabiliuit.

Vt autem S. V. illius radios possit com-  
modiùs intueri, cum certi iuris sit ad San-  
ctorum Canonizationem claris, & per-  
spicuis probationibus ante omnia constare  
debere de Vita, Virtutibus, & Sanctita-  
te canonizandi, & de miraculis illius in-  
tercessione à Deo operatis, iuxta S. R. E.  
Ritum, & Sacrorum Canonum sanctio-  
nes, ut probat Text. in cap. 1., & DD. de  
Reliq. & Vener. Sanctor., & gloss. commu-  
niter approbata in cap. 1. in verb. Sedis  
Apostolicæ cod. tit. in 6. Maluet. de Cano-  
nizat. Sanctor. dub. 3. num. 1. & seq. &  
n. 75.

num. 75. ver. sed dato, *Castellan.* eodem tractat. quæst. 4. in princ. & quæst. 5. ver. 5. necessar., *Cassaneus* in Cathal. glor. mundi par. 3. confid. 50. *Panuin.* in Canonizat. Sancti Bonaventuræ, & sæpius maiores nostri firmarunt. Ideò agemus primò de virtutibus tam Theologicis, quam Cardinalibus, cœterisque, quæ buius Serui Dei animum merè illustrarunt. Secundò de fama Sanctitatis, & Veneratione Imaginum, atque Miraculis. Postremò de validitate processuum, ac legitimo examine Testium.

7  
DE VIRTUTIBVS  
THEOLOGICIS.

*De Fide.*

**E**Xordiando igitur à virtutibus  
Theologicis, quæ idè Theo-  
logicæ appellantur, quia ha-  
bent Deum pro objecto, in-  
quantum per eas rectè ordi-  
namur in Deum, tum quia à solo Deo no-  
bis infunduntur, & à sola Diuina réuela-  
tione in Sacra Scriptura traduntur S. Thom.  
*prima secunda quæst. 62. art. 1. in corpore;*  
Prima offert se nobis Fides, tanquam fun-  
damentum virtutum omnium, quæ Chri-  
stianum hominem perficiunt S. Thom. 2. 2.  
*q. 4. art. 6.* quam sperandarum rerum sub-  
stantiam, & non apparentium argumen-  
tum definit Paulus *ad Hebr. cap. 11:* quam  
definitionem communiter Theologi se-  
quuntur S. Thomas 2. 2. *q. 4. art. 1.* Magi-  
ster Sentent. in 2. *distinct. 23.* S. Bonau. in  
3. *sentent. distinct. 23. art. 1. q. 5.* S. Antonin.  
4. *par. tit. 8. cap. 2.* Viguer. in *inst. cap. 10.*

§. 1. dicitur verò argumentum, quia per illud inducitur intellectus ad inhærendum alicui veritati S. Thom. 2. 2. q. 4. art. 1. & hinc est, quod Fides sit virtus intellectualis, qua firmitè, & absque vlla dubitatione intellectus adhæret his, quæ Nobis à Deo sunt reuelata propter solam Dei auctoritatem, cui intellectum nostrum captiuamus; Ioannem igitur Dei Fidem habuisse, illiusque intellectum rebus Fidei firmitè adhæsisse, & propter solam Dei auctoritatem iisdem rebus Fidei intellectu suum humiliter captiuasse, ex sequentibus patet.

Constat enim, hunc Seruum Dei anno 1495. ortum fuisse in Regno Lusitanix in Terra Montis Maioris iunioris ex Parentibus pijs fidelibus, ex antiquis Christianis Catholicis, nullaque sanguinis impuritate maculatis, vt vniformitè de auditu, ac de publica voce, & fama deponunt testes in processu Elborensi, nempe primus annorum 83. iuxta 1. fol. 459. II. ann. 43. *super* 2. fol. 465. IV. ann. 63. *super* 1. fol. 473. VIII. annorum 65. *super eodem* fol. 497. XV. annorum 118. *super eodem* fol. 533. & alij plures. Et quamuis isti Testes non

de-

deponant de visu de baptismo, & confirmatione, obtemporis diuturnitatem, deponunt tamen de certa credulitate de auditu a suis maioribus, & de publica voce, & fama, quod sufficit, maximè cum versemur in eo, qui natus inter Catholicos, ac in Regno Lusitaniæ catholicis Regibus subiecto; in quo dubitari non potest, quod paruuli soleant baptizari. Vndè baptismus præsumitur *glos. in c. presbyteri 11. in vers. & consecretur in fine. 68. dist. ubi Archidiaconus in princ. Turrecrem. in cap. si eos in princ. de consecr. dist. 4. Afflict. in constit. Neapolitan. incipien. si damna clandestina. Rub. 27. n. 8. lib. 1. l. & alias sæpè ponderauimus*, vt in relatione B. Thomæ de Villanova *intit. De Fide*, & in relatione S. Isidori *in tit. De Natiuitate*, ex quo baptismo saltèm ex intentione parentum Fides arguitur.

Et in Seruo Dei Ioanne Fidem viguisse deponunt in processu Salamantino Primus testis annorum 62. *super 20. fol. 1091. ubi de publico, & notorio, publica que voce, & fama, & communi opinione absque aliqua contradictione dicit*, in

Seruo Dei fuisse puritatem Fidei, & desiderium, ut omnes salui fierent, & fides augetur, & in primo examine *super 27. articulo*, ubi quod pauperes hortabatur, ne Deum offenderent. III. annorum 97. *super eodem fol. 1118.* ubi asserit, Ioannem toto tempore vitæ obseruasse puritatem Fidei, & vijs omnibus possibilibus curasse reducere peccatores ad viam salutis, & in primo examine *super 31. fol. 1120.*, ubi addit, Meretrices ad viam salutis retraxisse, ipsas sustentando, & dotem ex ijs, quæ per eleamofynam collegerat, constituendo. XX. annor. 67. *super eodem fol. 1186.* ubi dicit in magna excellentia, & in gradu heroico habuisse tres virtutes Theologicas, nempe Fidem, Spem, & Charitatem erga Deum, & proximum, cuius amore res prodigiosas operatus est. Ex isto enim propagandæ Fidei, ac alienæ salutis desiderio Fides arguitur, ut aliàs ponderauimus in relatione S. Theresiæ in tit. *De Fide*.

Accedit insuper, ut infra apparebit, hūc Seruū Dei excellenti præstitisse Charitatem, quæ cum sit forma Fidei, & actus Fidei in-

for-

formet, atque perficiat iuxta D. Thomam  
2. 2. *qu. 4. art. 3.* necessariò demonstrat  
præexistentiam substantiæ Fidei, vt fuit  
etiam consideratum in relatione eiusdem  
S. Theresiæ *loco citato*.

Ex quibus elicimus, in hoc Seruo Dei  
extitisse Fidem, ac eiusdem Fidei formam,  
nempe Charitatem, quæ, vt infra videbi-  
tur, in gradu heroico præstitit.

### *De Spe.*

**S**pes definitur, expectatio futuræ beati-  
tudinis ex meritis, & gratia proue-  
niens Magist. Sentent. in 3. *dist. 26. c. 1.*  
S. Antonin. in *Summ. sect. 7. cap. 1. §. 2.*  
Hæc porrò Fidem consequitur, & nos Deo  
facit adherere, prout est in nobis principium  
perfectæ bonitatis, scilicet per Spem diui-  
no auxilio innitimur ad beatitudinem obti-  
nendam, vt loquitur S. Thom. 2. 2. *q. 17.*  
*art. 6. in corpore.* Vincent. in *Speculo mor-  
ral. lib. 1. p. 3. distinct. 21. ad secundum*,  
quod etiam docuit Apost. ad Heb. 6. ibi --  
*Habemus Spem incedentem ad interiora,*  
*velaminis, hoc est incedere facientem ad*



*beatitudinem coelestem*, vt exponit Gloss. ex quibus patet, id propriè Spei esse, vt hominem Deo fidentem per viam Salutis incedere, & erecto alacri corde obstantia quæque superare faciat.

Quod autem Seruus Dei Ioannes Spem habuerit, ac per illam diuino inniteretur auxilio ad beatitudinem obtinendam incedens confidenter in via salutis, erectoque, ac alacri corde obstantia quæque superans, deponunt in eodem processu Salamantino præfati Testes, nempe primus *super xi. fol. 1091.* qui dicit se pro certo habere, virtutem Spei in Ioanne mirè effulxisse propter testimonium eorum, quæ operabatur, & ideò quamuis isti testes, prout etiam sæpissimè alij, deponant de propria credulitate; Attamen illis standum est, cùm reddant optimam credulitatis rationem, quæ dat esse testimonio. Abb. *conf. 105. n. 2. lib. 1.* benè probant Alex. *conf. 133. n. 4. libr. 1.* Corn. *conf. 22. n. 12. vol. 4.* Optimæ enim credulitatis rationes sunt opera, maxime cum subdant id esse publicum, ac notorium in omnibus, in quibus habetur notitia ipsius Serui Dei absque vlla contradictione, quod



quod quidem notorium probatione non indiget *l. si adulterium §. ijdem pollunt de adulterijs*, accedit idem Tertius *super eodem fol. 1118.* qui pariter affirmat se pro certo, & indubitato tenere, Ioannem habuisse Spem maximam vitæ æternæ, ac salutis obtinendæ per merita passionis Domini nostri Iesu Christi, quam in multis casibus ostendit, prout in calamitatibus, ac molestiis plurimis, quas libens sustinuit, & in bonis operibus, quæ fecit, subiungens id esse notorium, ac postremò idem XX. *super eodem fol. 1186.* asserens, se quoque pro certo habere, Seruum Dei in magna excellentia, & in gradu heroico Spem cum alijs Theologicis virtutibus, vt iam attigimus, possedisse.

Tunc verò præcipuè miram in Deum optimum maximum fiduciam, ac Spem Ioannes ostendit, cum vix insignis, ac pij eiusdem Viri, Magistri Auilæ nuncupati, concione, tanquàm voce Iacob patris audita, Deos alienos, hoc est mundum, carnem, atque diabolum abiecit, mundans se à peccatorum colluie, vitæque, ac morum vestimenta non sine excelsi dexteræ auxilio

Genes. 35. 2.

com.

commutans, prauæ enim vitæ in meliorem mutatio, quæ cum animæ fit labore, non nisi Deo adiuuante procedit, in hac igitur mutatione, de qua deponunt in processu Granatensi II. annorum 105. *super 16. fol. 354.* XXV. annorum 93. *fol. 238.* XVIII. annorum 94. *fol. 189.* in Salamantino idem Primus *super xi. fol. 1089.* idem III: *super 16. fol. 1110.* idem XX. *super 11. fol. 1185.* & in processu Matrignano XL. annorum 66. *super 10. fol. 762.* Totus ad Deum conuersus, & in Patre misericordiarum animosè confidens, non dubitauit erecto, ac alacri corde ingredi vias Domini, & quascunque difficultates proposito sibi beatitudinis præmio feliciter superare. Ideò sciens, opus esse se ipsum sperare in Domino, vt pasceretur diuitijs eius, omnia, quæ possidebat vendidit, & eorum pretium distribuit pauperibus carceri mancipatis, vt deponit in processu Salamantino *idem tertius testis loco citato.* Insupèr Seruus Dei Ioannes in renouatione sui spiritus cupiens abolere antiquam carnis exuiem, vbi à salutaris illa Patris Auilæ conuersione discessit, statim in platea publica,

Psal. 36. a.

cæno, ac luto inuolutus se totum conspurcavit, os humi deiiciens, lapidèque percutiens pectus, misericordiam peccatorum, ac veniam à Deo deprecabatur, cum verò surrexisset è luto, quia à pluribus ad excessum mentis, & insaniam reductus æstimabatur, statim puerorum conuitijs, lapidibus, ac cæno insectantium ludibrio, atque offensionis expositus est, vt deponunt de visu supradicti Testes in processu Granatèsi nempe II. *super 17. eodem fol. 359.* idem in Salamantino ijdem Primus, III. atque XX. *ibidem*, & in Matritano idem XL. *loco citato*. Tandem veluti mente captus in dementium valetudinarium deductus est, vbi diuturnis, ac sæuis verberibus vltro expositus, omnia æquo ferebat animo, non timens quid faceret sibi homo, quia in Deo sperabat, nec respiciens in vanitates, & insanias falsas, quoniam nomen Domini erat spes eius, sed tanquàm ouis ad occisionem non aperiebat os suum, quasi cum Apostolo gloriaretur in Tribulationibus, sciens, quod tribulatio patientiam operatur; Patientia autem probationem, probatio verò spem, quam ideo ex prædictis

Ad Rom. 5. e.

ais in hoc Seruo Dei Ioanne mirè elucere  
cenfuimus.

*De Charitate in Deum, ac  
in Proximum.*

1. ad Corin-  
th. 3.

**C**haritas, quæ omnes inter virtutes  
principatum obtinet, cæterisque  
Theologicis maior ab Apostolo nuncupa-  
tur, est virtus, qua Deum summum bo-  
num diligimus propter ipsius bonitatem,  
reliqua autem omnia in ipso, & propter ip-  
sum D. Thom. *loco citato* 2. 2. q. 23. art.  
3. & 6. Deus enim ipse dilectionis proxi-  
mi est ratio, iuxtà eundem D. Thom. *loco*  
*citato* q. 25. art. 1. Hæc vinculum perfe-  
ctionis appellatur, quia integro perfectio-  
num omnium nexu hominem Deo coniun-  
git. Omnes enim aliæ perfectiones, quæ  
quasi per partes in virtutibus reliquis inue-  
niuntur, indissolubili quodam nexu conti-  
nentur in Charitate, adedut qui hanc vnā  
virtutem habet, omnes habeat, & qui hac  
vna caret, frustrā alias possideat, vt testa-  
tur Apostolus, & confirmat Cyprian. *de*  
*unit. Ecclesia*, & August. 1. *de Baptis. c. 8.*  
Hanc

*Loco citato.*

Hanc igitur in Seruo Dei, tanquàm in regia sui Principatus sublimem thronum collocasse, ex dicendis manifestissimè coniecimus.

Quantum enim attinet ad dilectionem, in Deum, quæ Charitatis est primogenita, illa comprobatur primò, dum, vt diximus, omnia in hoc mundo abiecit, vt Deum solum sequeretur, dans omnem substantiam domus suæ pro dilectione Dei, qui hilarem datorem diligit. Secundò, dum illecebris, ac voluptatibus sæculi relictis, asperiores vitæ rationem amplexus est, fugiensque mundi solatia in viam salutis, diuinæque Legis obseruantiam, quæ summum diuini amoris argumentum est, assiduo Ieiuniorum, pœnitentiæ, flagellorum, ac afflictionum omnium cursu properauit, vt depouunt in processu Granaten. IV. testis annorum 84. *super 58. fol. 102.* asserens, se illum agnouisse hominem diuinum propter magnam ipsius Charitatem, pœnitentiam, ieiunia, flagella, ac afflictiones, quas Diuini amoris intuitu sustinebat, V. annorũ 89. *super eodem fol. 110.* dicens, Ioannem fuisse virum Charitate admirabilem, con-

Cant. 8. c. 2.  
col. 9. 6.

tinuèque ieiuniorum, ac flagellorum exercitio intentum, VI. annorum 85. *super eodem fol. 119.* affirmans, Seruum Dei magno Charitatis feruore, ac Deo inferuendi desiderio exarsisse, ieiunijs, flagellis, alijsq; pluribus cruciatibus se ipsum afflixisse, denudatis pedibus, capite, ac seminudo corpore, vt Deo inferuiret, incessisse, quod est insigne amoris in Deum argumentum. VII. annorum 90. & XII. annorum 84. *super eodem fol. 158.* Et in processu Salamantino iidem, nempe Primus *super 22. fol. 1091.* dicens, virtutem Charitatis ad summam perfectionem in Ioanne enituisse, quia omnia illius opera, & Institutum, Charitatem in Deum, ac proximum continebant. III. *super eodem fol. 1118.* itaut pueris imperantibus, vt amore Dei terram deoscularetur, humique, ac cæno se prosternaret; illicò obsequeretur, vt deponunt in eodem processu Granatensi VII. testis *super 17. fol. 123.* & X. *super eodem fol. 142.* diligentibus enim Deum omnia cooperantur in bonum. Tertiò quia semper Dei amore tenebatur, & totus in Deo residebat, vt deponit

22. 82053  
D. 22. 172

Ad Rom. 8. c.

in

in processu Granatē, idem IV. *locò citato*,  
& XX. annorum 92. *super* 58. *fol.* 206.

Quartò quia postquàm ingressus est vias  
Domini, non solum mandata ipsius habuit,  
seruauitque sermonem, vt suam in Deum Ioan. 14 6. c.  
dilectionem certò testaretur argumento, sed  
vehementèr angebatur Deum offendi, ideo-  
què laborabat, ac in eo desudabat, potissi-  
mum vt homines à peccatis retraheret, vt  
deponunt in processu Salamantino *super*  
20. ac 22. III. testis *fol.* 1118. & de visu  
in processu Matritano Primus testis annorū  
87. *super* 31. *fol.* 810. & in Granatensi  
idem III. *super* 31. *fol.* 95. & XIII. *super*  
*eodem* *fol.* 399. qui asserunt, Seruum Dei  
obtulisse Meretricibus lucrum, quod ex  
Meretrício percepturæ erant, vt easdem ab  
offensione Dei diuerteret.

Quantum verò attinet ad dilectionem  
in proximum, quæ est Charitatis Secundo-  
genita, hæc in Ioanne mirabiliter, ac prin-  
cipaliter effulsit; Siquidem nullum fuit vn-  
quàm mali genus animi, vel corporis detri-  
mentum respiciens, quod à proximo suo ar-  
cere non studuerit, & nullum pariter fuit  
vnquàm boni genus, quod eidem non pro-

Ioann. epist.  
1. 3.



curauerit, videns enim fratrem suum necesse habere, non clausit viscera sua ab eo, in quibus aliam sibi mercedem proponebat, quam vt Deo placeret.

de p. 1. 1. 1.

Primùm igitur ægri tudines, ac morbos animi studuit à proximo depellere, dùm, vt suprà ostendimus, totis incumbibat vitibus in eo, vt homines à peccatis diuerteret, & in viam salutis reuocaret, Pauperibus enim infirmis, quos in Valetudinario à se non sine insigni in pròximum argumento Charitatis instituto recipiebat, Sacramenta primùm ad animi medelam ministrabat, vt deponunt in processu Salamantino *super* 16. XX. *fol.* 1185. III. *fol.* 1116. II. *fol.* 1101. & eos, quos grauiores opprimebant calamitates, ac curæ blandis, & salutaribus sermonibus solabatur, vt deponit idem III. *super* 32. *fol.* 1111.

Secundariò autem corporis ægri tudinibus, ac morbis beneficam, ac piam manum Ioannes enixè adedò admouit, vt totis in hoc quasi viribus, ac desiderijs intentus, Domum comparata ex piorum eleæmosynis suppellectili instructam conduxerit, in quam pauperes infirmos quotquot obuio sibi



sibi inueniebat, vel in via languentes, vel fame, frigoreue pereuntes, proprijs humeris inuehebat, pedes eorum abluens, cæteraque ministrans necessaria, quæ viciatim, & ostiatim, non intermisso diù, noctuque labore, emendicabat, ac duabus sportis, & ollis recollecta, domum proprijs humeris gestabat, illa postmodum inter pauperes, atque Infirmos, prout cuiusque exigebat necessitas, distribuens, ægrotis ipse medebatur, cibum proprijs manibus inferens, sordes purgans, lectulos versans, ac sternens, frigescentes igne, famelicos cibo, nudos vestibus refocillans, omnes denique proprio sinu, amplexuque confouens, quasi optaret omnes intrà sua viscera recondere, post diuturnos autem labores, ac perquisitam tota Vrbe eleemosynam, iuxta domum perueniebat, cum statim inuisebat omnes, nec in priuatam se se recipiebat quietem, nisi publicè prius pauperum commoditati abundè consulisset, si quid deerat, vel opus erat, exquirebat diligentèr, ac piè subministrabat, omniaque æquo, & hilari vultu præstans, ac sufferens, vt de re notoria, publicaue voce, & fama, ac communi

ni opinione prædicta deponunt in eodem  
processu Salamantino iidem testes *locis ci-  
tatis*, nempe vigesimus secundus, ac ter-  
tius de visu *super 9. Interrogat. fol. 112.*  
& concordant in processu Granatensi V.  
*super 23. fol. 367.* & in processu Matri-  
tano XL. annorum 66. *super 10. fol. 763.*  
Ad eum porrò Charitatis gradum Ioan-  
nes peruenerat, vt quadam vice mulieris  
plagosa tibijs innata non alio curauerit  
medicamine, quàm plagas lambendo, ac  
saniem ore excipiendo, vt in processu Oro-  
pesæ deponunt VI. testis annorum 101.  
*fol. 1224.* & III. annorum 84. *fol. 1215.*  
quinimò iidem Testes *locis citatis*, nempe  
vigesimus, & tertius in processu Salaman-  
tino de notoria, publicaue voce, & fama  
deponunt, pauperem quemdam, cuius pe-  
des ablutos Ioannes volebat deosculari,  
cuanuisse ab oculis ipsius, relicto tamen  
adeò notabilis splendoris vestigio, vt ple-  
rique crediderint in Valetudinario incen-  
dium excitatum.

Illius etiam Charitatis in pauperes cer-  
tam satis Fidem præstat salutare institutum  
Religionis, quam ipse in pauperum ægro-

rantium officia, medelam, operaque assiduus laboribus, atque vigilijs intentam in Ciuitate Granatensi primum, non sine insigni ad cæteras quoque non tàm Hispaniarum, quàm cæterarum Prouinciarum Ciuitates propagatione fundauit, vt denotoria, ac publica voce, & fama deponunt in processu Granatensi XVIII. annor. 85: *super 2. fol. 417.* XIX. annorum 88. *super eodem fol. 418.* & in processu Tolentino IV. testis annorum 50. *super 38. fol. 833.* VII. annorum paritèr 50. *fol. 861.* VIII. annorum 19. XVI. annorum 53 *fol. 906.* XVIII. annorum 52. *fol. 900.*

Nec intrà Valetudinarij limites officio Ià Ioannis in pauperes pietas se continuit, sed facienda etiam propagatione ad externos peruenit, nempè ad honestos, & verecundos pauperes, præsertim verò mulieres, vt peccati ansam, quam suppeditabat ægestas, liberalitèr subtraheret, hos enim secretis eleemosynis alebat, necessitatibusq; omnium, & periculis occurrebat, vt deponunt in processu Granatensi *super 21. fol. 101.* VII. testis *super 27. fol. 124.* & in eodem processu Quartus testis

extractus fol. 364. & pariter Tertius extractus fol. 361. & XXVIII. *super 27. fol. 159.*

Ioannes igitur præcipuo Charitatis in proximum studio addictus, maximam temporis partem domi, forisque perquirendis, distribuendisque eleæmosynis, in portandis ægrotis, pauperibus adducendis, lectulis externendis, ollis emundandis, abluendisque, Medicis, ac Confessarijs euocandis, alijsque domesticis curis in pauperum, ac Infirmorum officio transigebat, vt prædicta omnia partim de visu, partim verò de publica voce, & fama deponunt Testes locis citatis, & alij quamplures.

*De quatuor Virtutibus Cardinalibus  
Prudentia, Iustitia, Fortitudine, ac Temperantia.*

**P**Rudentia, quæ inter istas Virtutes principatum obtinet, ad bonum totius vitæ finem rectè conciliatur, iudicat, & præcipit, teste D. Thoma 2. 2. q. 47. art. 17. mediaque virtutum moralium inuenit, & ad communia omnium laudabilium actionum prin-

principia cognoscenda, earumque circumstantias dijudicandas lucem subministrat; huius virtutis necessitatem in homine Christiano satis demonstraui Christus Dominus, dum discipulis suis, quos ad prædicationis messem destinabat, dixit: *Ecce ego mitto vos sicut oves in medio luporum, estote ergo prudentes sicut serpentes.*

Math. 10.

Servum autem Dei Ioannem inclinasse cor suum ad cognoscendum prudentiam, ut illa ipsum servaret, & erueret à via mala, & ab homine, qui peruersa loquitur, satis patet.

Prou. 2.

Primo, quia ex relationis huius discursu apparet, quod in virtutibus ceteris Ioannes excelluit, ad quarum assequutionem media necessaria attigit per convenientem dispositionem, quæ propriè est Prudentia, iuxta D. Thom. 1. 2. q. 47. artic. 3. Secundo, quia cum optimum totius vitæ finem in Dei seruitium constituisset, eiusdem vitæ suæ modum mirabiliter, prudenterque disposuit, opportuno Charitatis, atque officiorum pietatis in pauperes, infirmosque nactus medio, quibus Deo seruiret impensius, omnia remouens obstacula, quæ se

D

ipsum

Matth. c. 16.

Luc. 10.

ipsum in via Domini, vel præpeditum, vel  
 seguiorem possent reddere. Idèd, enim  
 cum post Christum ire vellet, abnegauit se-  
 metipsum, temporalibus renunciâns illu-  
 bris, ne torporem iniicerent, vt Euangelij  
 præcepto obediret, in via Christi non tulit  
 virgam, peram, panem, pecuniâ, ne-  
 que duas Tunicas, sed omnia, quæ habe-  
 bat, pauperibus distribuit, ne humanarum  
 rerum sarcina pondere suo iter moraretur.  
 Et deniquè Seruum Dei habuisse maxi-  
 mam Prudentiam, ex quo omnia ipsius  
 opera in honorem Dei, & proximi utilita-  
 tem erant directâ, deponunt in Processu Sa-  
 lamantino. III. de visu *super* 25. & XX. *su-  
 per eodem de publica voce, & fama.*

Apost. ad Ro-  
 man. 13.

Iustitia verò legalis, per quam omnium  
 virtutum actus ad bonum commune ordi-  
 nantur iuxta D. Thom. 2. 2. q. 58. art. 5. &  
 q. 61. art. 1. in hoc Seruo Dei satis depre-  
 henditur ex illa ardenti, & immensa Chari-  
 tate, quæ erga Deum, & proximum ma-  
 ximè præstitit, vt supra ostendimus. Idèd  
 que sicuti legis plenitudo in dilectione con-  
 sistit, & iusti misericordes dicuntur, ita  
 Ioannem, qui plurimùm dilexit, summèq;  
 fuit

fuit misericors; legalem iustitiam coluisse. Prou. 13. c.  
 intelligimus, prout eam in Seruo Dei fuisse deponit *in Processu Salamantino* idem  
 XX. Testis *loco citato*.

Fortitudinem verò, quæ animum in-  
 grauibus, & maximis periculis firmat, ti-  
 morem cohibet, audaciamque moderatur,  
 teste D. Thoma 2. 2. q. 123. art. 3. & 4.  
 Seruo suo tribuit Dominus, cuius oculi  
 contemplantur vniuersam terram, & præ-  
 bent Fortitudinem his, qui perfecto corde  
 credunt in eum, tanquam firmamentum,  
 refugium, & liberatorem suum.

Ioann. 3. par.  
c. 16.

Psal. 17. c.

Hæc enim in Ioanne præsertim depræ-  
 henditur, dum propter Dei amorem plu-  
 rimas calamitates, & angustias animosè,  
 ac impauido pectore subiuit, dum illius  
 animum nulla instantium periculorum for-  
 mido, aut difficultatum obex ab instituto  
 Charitatis opere diuertebat, vel morabatur;  
 Diu enim, nocturneque licet frigoris, calorif-  
 ue vrgerent molestiæ, denudatis capite,  
 pedibus, ac tibijs, vix promissa ad genu ve-  
 ste, absque subucula huc illuc discurrebat  
 ad perquirendum tum elemosynas, tum  
 pauperes, quos humeris exceptos in Vale-



tudinarium inferebat, itaut in vitæ discrimi-  
 ni non sæpè numero adduceretur, præsertim  
 verò cum maximum Granatæ in Regio  
 pauperum Valetudinario excitatum esset  
 incendium, non dubitavit, vt infirmos è  
 flammis eriperet, sese in ignem conijcere,  
 mortem quærens inter flammæ, à quibus  
 aliorum vitam eximebat, quamuis ipse mi-  
 raculitè incolumis euaserit, vt inferiùs di-  
 cetur, dum agemus de miraculis; Prædicta  
 autem deponunt iidem Testes *in Processu  
 Salamantino*, nempe II. III. & XX. *locis  
 citatis*. Quibus accedit insignis illa tole-  
 rantia, qua assiduos, maximosque labores  
 in pauperum officio constantèr patiebatur,  
 & licèt calamitatibus acriter præmeretur,  
 nunquam tamen auditus est conqueri, aut  
 indolere, sed omnia ad Dei, cuncta suauitèr  
 disponentis, voluntatem æquanimiter refe-  
 rebat, itaut in suæ conuerfionis initio, vt  
 iam attigimus, cum ad mortificationem  
 sensus, quem in melius innouarat, se in  
 cæno palàm volutasset, & apud plerosque  
 demens haberetur, pueris præsertim luto,  
 saxis, ac omnium iniuriarum genere infe-  
 ctantibus, summas passus est angustias, quas  
 fal-



falsò concepta dementiæ opinio comparauit, sed verè illud poterat vsurpari, stetit iustus in magna constantia aduersus eos, qui se angustiauerant. Hic est, quem habuimus aliquandò in derisum, & in similitudinem improperij: Nos insensati vitam illius estimabamus insaniam, & finem illius sine honore: Ecce quomodò computatus inter filios Dei, & inter Sanctos, fors illius est, aliquandò etiam, licèt innocens, alapis cederetur, alteram offerebat percussori maxillam, vt deponunt in *Processu Granatensi super 29. III. & XV. testes*.

Sap. 5. 26a

be. Jo. 9. 34  
de. 2. 2. 1

Temperantiæ virtus generalitèr sumpta, est moderatio quædam, quam ratio ponit in humanis operationibus, & passionibus, quod omni virtuti morali commune est. Si verò antonomastice consideretur, secundum quod refrenat appetitum ab his, quæ maximè alliciunt hominem, & in quantum versatur circa delectationes moderandas, & sic circa concupiscentias bonorum sensibilibium, & tristitias, ex illorum priuatione, seu absentia procedentes, est specialis virtus, vt docet S. Thomas 2. 2. q. 141. art. 2. in corpore, & inter virtutes Cardinales re-

ponitur, vt apud S. Thomam *loco citato*  
*artic. 7.*

Apo<sup>ol.</sup> ad  
 Thesi. 5. d.

Hanc igitur Temperantiæ Virtutem  
 Seruum Dei Ioannem obtinuisse constat,  
 cum præcipuo virtutum omnium exercitio  
 in hoc potissimum desudasse ipsum appa-  
 reat, vt in boni scientia, ab omni specie  
 mala, & his omnibus cautè abstinere, quæ  
 militant aduersus animam. Vt enim omit-  
 tamus partem illam Temperatiæ, abstinen-  
 tiam scilicet, quæ ex suo nomine importat  
 subtractionem ciborum, iuxta D. Thom.  
 2. 2. q. 146. art. 1. per quam castigatur  
 corpus, non solum contra illecebras luxu-  
 riæ, sed etiam gulæ, vt homo fortiùs in-  
 surgat aduersus tentationes, hanc porro  
 Seruus Dei mi:è profitebatur, semel enim  
 24. horarum spatio parcissimo cibo uteba-  
 tur, quod sibi libentissimè subtrahebat, quo  
 profusiùs in pauperes distribueret, *vt in*  
*Processu Salamantino* deponit Tertius Te-  
 stis *loco citato*. Tristitias autem, ex bono-  
 rum sensibilibium priuatione enascentes, non  
 percepisse liquet, cum volens, libensque  
 in limine ingressus, vice Domini iisdem bo-  
 nis omnibus, quæ ( vt dictum est ) distri-  
 buit

buit in pauperes, ac mundanis illecebris æquo, hilarique animo renuntiavit, & quaslibet delectationes, atque concupiscentias tunc demùm patenti moderatione compressit, cum austerioris vitæ institutum amplexus est, in quo assidue ieiuniorum, pœnitentiæ, cœterorumque mortificationum exercitatione corpus suum ab omni sensus, ac voluptatum lenocinio immune macerabat, vt constabit ex mox dicendis, dum cœterarum quoque virtutum ponderabimus accessionem, & in Seruo Dei Temperantiam extitisse deponunt in *Processu Salamantino* iidem testes, nempe *super 25. II. III. & XX.*

*De cæteris Virtutibus, & Primò.*  
*De Pœnitentia, & Mortifi-*  
*catione.*

**N**on solis Theologicarum, aut Cardinalium Virtutum radijs Ioannis animus explenduit, sed mira cæterarum quoque virtutum accessione enituit; Nè quid sibi ad summos Sanctitatis fulgores deesset:

Pœ-

in Poenitentia enim virtutem, qua homo  
operatur ad præteriti peccati destructio-  
nem, atque detestationem, veluti per  
quandam speciem Iustitiæ, ac certa opera,  
quæ ad vindictam, & peccati satisfactio-  
nem fiunt, iuxta D. Thom. 3. par. qu. 25,  
art. 2. ¶ 3. Seruus Dei apprimè dilexit,  
dum, ut iam attigimus, huc vniuersum  
vitæ suæ tenorem direxit, quam assidua  
mortificationum exercitatione transigebat,  
non aliud enim sibi volunt denudati in as-  
peritatem pedes, patens ad iniurias, non  
tam cœli, quam hominum caput, succinta  
ad rigorem vestis, subtractus ad castigatio-  
nem cibus, lectulus ad duritiem, vita ad  
laborem, flagella ad poenam, cilicia ad  
inacérationem, de quibus omnibus depo-  
nunt in Processu Granatensi *super*

25. VI. IX. XIV. XV. XVI.

¶ *super* 5. II. XV. & XIX.

In Salamantino II. *super*

28. V. *super* 24. XX.

*super* 28.

\*\*\*

\*\*\*

*De Paupertate, Castitate,  
& Obedientia.*

**S**I perfecta, veraque Paupertas est, omnia propter Deum spontè, & libentè dimittere, nihilque præter solam necessitatem possidere, cum verus pauper nulla transitoria concupiscat, nec ullam sollicitudinem de illis habeat, sed simpliciter, ac securè se Deo committat, teste Alberto Magno *in libell. de Virtutibus O. S.* Uti què fatendum est, pretiosioribus veræ paupertatis diuitijs Seruum Dei Ioannem abundantè affluxisse, qui cum se ipsum, in nouitate sensus reformasset, quò magis abundaret diuitijs, essetque perfectus, vendidit omnia, quæ habebat, deditque pauperibus, vt haberet thesaurum in Cælo, laborauit in diminutione victus, vt vberiore pauperibus mensuram porrigeret; esuriuit ipse, vt illi ederent, & saturarentur, vigilauit, vt fiducialitè requiescerent, seminudus ipse incescit, vt illi vestirentur: ad summam deniquè redactus inopiam, & factus diues, cum nihil haberet, nè ipsi indigerent, ex quibus iuremeritò adstrui-

Matth. 19.  
Eccl. 3. 2.

extractus fol. 364. & paritèr Tertius extractus fol. 361. & XXVIII. *super 27. fol. 159.*

Ioannes igitur præcipuo Charitatis in proximum studio addictus, maximam temporis partem domi, forisque perquirendis, distribuendisque eleæmosynis, in portandis ægrotis, pauperibus adducendis, lectulis externendis, ollis emundandis, abluendisque, Medicis, ac Confessarijs euocandis, alijsque domesticis curis in pauperum, ac Infirmorum officio transigebat, vt prædicta omnia partim de visu, partim verò de publica voce, & fama deponunt Testes locis citatis, & alij quamplures.

*De quatuor Virtutibus Cardinalibus  
Prudentia, Iustitia, Fortitudine, ac Temperantia.*

**P**Rudentia, quæ inter istas Virtutes principatum obtinet, ad bonum totius vitæ finem rectè conciliatur, iudicat, & præcipit, teste D. Thoma 2. 2. q. 47. art. 17. mediaque virtutum moralium inuenit, & ad communia omnium laudabilium actionum prin-

principia cognoscenda, earumque circumstantias dijudicandas lucem subministrat; huius virtutis necessitatem in homine Christiano satis demonstrauit Christus Dominus, dùm discipulis suis, quos ad prædicationis messem destinabat, dixit: *Ecce ego mitto vos sicut oves in medio luporum, estote ergo prudentes sicut serpentes.*

Matth. 10.

Seruum autem Dei Ioannem inclinasse cor suum ad cognoscendum prudentiam, ut illa ipsum seruaret, & erueret à via mala, & ab homine, qui peruersa loquitur, satis patet.

Prou. 2.

Primo, quia ex relationis huius discursu apparet, quod in virtutibus ceteris Ioannes excelluit, ad quarum assequutionem media necessaria attigit per conuenientem dispositionem, quæ propriè est Prudentia: iuxta D. Thom. 2. 2. q. 47. artic. 3. Secundo, quia cum optimum totius vitæ finem in Dei seruitium constituisset, eiusdem vitæ suæ modum mirabiliter, prudenterque disposuit, opportuno Charitatis, atque officiorum pietatis in pauperes, infirmosque nactus medio, quibus Deo seruiret impensius, omnia remouens obstacula, quæ se

D

ipsum



Matth. c. 16.

Luc. 10.

ipsum in via Domini, vel præpeditum, vel  
 seguiorem possent reddere. Ideo enim  
 cum post Christum ire vellet, abnegauit se-  
 metipsum, temporalibus renunciando illece-  
 bris, ne torporem inijcerent, ut Euangelij  
 præcepto obediret, in via Christi non tulit  
 virgam, peram, panem, pecuniam, ne-  
 que duas Tunicas, sed omnia, quæ habe-  
 bat, pauperibus distribuit, ne humanarum  
 rerum sarcina pondere suo iter moraretur.  
 Et deniquè Seruum Dei habuisse maxi-  
 mam Prudentiam, ex quo omnia ipsius  
 opera in honorem Dei, & proximi utilita-  
 tem erant directæ, deponunt in Processu Sa-  
 lamantino III. de visu *super* 25. & XX. *su-  
 per eodem de publica voce, & fama.*

Apost. ad Ro-  
man. 13.

Iustitia verò legalis, per quam omnium  
 virtutum actus ad bonum commune ordi-  
 nantur iuxta D. Thom. 2. 2. q. 58. art. 5. &  
 q. 61. art. 1. in hoc Seruo Dei satis depre-  
 henditur ex illa ardenti, & immensa Chari-  
 tate, quæ erga Deum, & proximum ma-  
 ximè præstitit, ut supra ostendimus. Ideo  
 que sicuti legis plenitudo in dilectione con-  
 sistit, & iusti misericordes dicuntur, ita  
 Ioannem, qui plurimum dilexit, summèq;  
 fuit



fuit misericors; legalem iustitiam coluisse. Prou. 13. c.  
 intelligimus, prout eam in Seruo Dei fuisse deponit *in Processu Salamantino* idem  
 XX. Testis *loco citato*.

Fortitudinem verò, quæ animum in-  
 grauibus, & maximis periculis firmat, ti-  
 morem cohibet, audaciamque moderatur,  
 teste D. Thoma 2. 2. q. 123. art. 3. & 4.  
 Seruo suo tribuit Dominus, cuius oculi  
 contemplantur vniuersam terram, & præ-  
 bent Fortitudinem his, qui perfecto corde Ioann. 3. par-  
c. 16.  
 credunt in eum, tanquam firmamentum,  
 refugium, & liberatorem suum. Psal. 17. c.

Hæc enim in Ioanne præsertim depræ-  
 henditur, dum propter Dei amorem plu-  
 rimas calamitates, & angustias animosè,  
 ac impauido pectore subiuit, dum illius  
 animum nulla instantium periculorum for-  
 mido, aut difficultatum obex ab instituto  
 Charitatis opere diuertebat, vel morabatur;  
 Diu enim, nocturnæque licet frigoris, calorif-  
 ue vrgerent molestiæ, denudatis capite,  
 pedibus, ac tibijs, vix promissa ad genu ve-  
 ste, absque subucula huc illuc discurrebat  
 ad perquirendum tum elemosynas, tum  
 pauperes, quos humeris exceptos in Vale-

tudinarium inferebat, itaut in vite discrimi-  
 nici sæpè numero adduceretur, præsertim  
 verò cum maximum Granatæ in Regio  
 pauperum Valetudinario excitatum esset  
 incendium, non dubitavit, vt infirmos è  
 flammis eriperet, sese in ignem conijcere,  
 mortem quærens inter flammæ, à quibus  
 aliorum vitam eximebat, quamvis ipse mi-  
 raculitè incolumis euaserit, vt inferiùs di-  
 cetur, dum agemus de miraculis; Prædicta  
 autem deponunt iidem Testes *in Processu*  
*Salamantino*, nempe II. III. & XX. *locis*  
*citatis*. Quibus accedit insignis illa tole-  
 rantia, qua assiduos, maximosque labores  
 in pauperum officio constantè patiebatur,  
 & licèt calamitatibus acriter præmeretur,  
 nunquam tamen auditus est conqueri, aut  
 indolere, sed omnia ad Dei, cuncta suauitè  
 disponentis, voluntatem æquanimitè rese-  
 rebat, itaut in suæ conuersionis initio, vt  
 iam attigimus, cum ad mortificationem  
 sensus, quem in melius innouarat, se in  
 cæno palàm volutasset, & apud plerosque  
 demens haberetur, pueris præsertim luto,  
 faxis, ac omnium iniuriarum genere infe-  
 ctantibus, summas passus est angustias, quas  
 sal-

falsò concepta dementiæ opinio comparauit, sed verè illud poterat vsurpari, & tit iustus in magna constantiâ aduersus eos, qui se angustiauerunt. Hic est, quem habuimus aliquandò in derisum, & in similitudinem improperij: Nos insensati vitam illius estimabamus infaniam, & finem illius sine honore: Ecce quomodò computatus inter filios Dei, & inter Sanctos, fors illius est, aliquandò etiam, licèt innocens, alapis cederetur, alteram offerebat percussori maxillam, vt deponunt in *Processu Granatensi super 29. III. & XV. testes.*

Sap. 5. 2. 6.

ba. Jo. log. a.  
de. p. 1. 1. 1.

Temperantiæ virtus generalitèr sumpta, est moderatio quædam, quam ratio ponit in humanis operationibus, & passionibus, quod omni virtuti morali commune est. Si verò antonomastice consideretur, secundùm quod refrenat appetitum ab his, quæ maximè alliciunt hominem, & in quantum versatur circa delectationes moderandas, & sic circa concupiscentias bonorum sensibilibium, & tristitias, ex illorum priuatione, seu absentia procedentes, est specialis virtus, vt docet S. Thomas 2. 2. q. 141. art. 2. in corpore, & inter virtutes Cardinales re-

po.

ponitur; vt apud S. Thomam *loco citato*  
*artic. 7.*

Apo<sup>ol.</sup> ad  
 Thesi, 5. d.

Hanc igitur Temperantiæ Virtutem  
 Seruum Dei Ioannem obtinuisse constat,  
 cum præcipuo virtutum omnium exercitio  
 in hoc potissimum defudasse ipsum appa-  
 reat, vt in boni scientia, ab omni specie  
 mala, & his omnibus cautè abstinere, quæ  
 militant aduersus animam. Vt enim omit-  
 tamus partem illam Temperatiæ, abstinen-  
 tiam scilicet, quæ ex suo nomine importat  
 subtractionem ciborum, iuxta D. Thom.  
 2. 2. q. 146. *art. 1.* per quam castigatur  
 corpus, non solum contra illecebras luxu-  
 riæ, sed etiam gulæ, vt homo fortiùs in-  
 surgat aduersus tentationes, hanc porro  
 Seruus Dei miè profitebatur, semel enim  
 24. horarum spatio parcissimo cibo uteba-  
 tur, quod sibi libentissimè subtrahebat, quo  
 profusiùs in pauperes distribueret; vt in  
*Processu Salamantino* deponit Tertius Te-  
 stis *loco citato*. Tristitias autem, ex bono-  
 rum sensibilium priuatione enascentes, non  
 percepisse liquet, cum volens, libensque  
 in limine ingressus, vice Domini iisdem bo-  
 nis omnibus, quæ (vt dictum est) distri-  
 buit

buit in pauperes, ac mundanis illecebris æquo, hilarique animo renuntiavit, & quaslibet delectationes, atque concupiscentias tunc demum patenti moderatione compressit, cum austerioris vitæ institutum amplexus est, in quo assidue ieiuniorum, pœnitentiæ, cœterorumque mortificationum exercitatione corpus suum ab omni sensus, ac voluptatum lenocinio immune macerabat, vt constabit ex mox dicendis, dum cœterarum quoque virtutum ponderabimus accessionem, & in Seruo Dei Temperantiam extitisse deponunt in *Processu Salamantino* iidem testes, nempe *super 25. II. III. & XX.*

*De cæteris Virtutibus, & Primò.*  
*De Pœnitentia, & Mortifi-*  
*catione.*

**N**on solis Theologicarum, aut Cardinalium Virtutum radijs Ioannis animus explenduit, sed mira cœterarum quoque virtutum accessione enituit; Nè quid sibi ad summos Sanctitatis fulgores deesset:

Pœ-

in Poenitentia enim virtutem, qua homo  
operatur ad præteriti peccati destructio-  
nem, atque detestationem; veluti per  
quandam speciem Iustitiæ, ac certa opera,  
quæ ad vindictam, & peccati satisfactio-  
nem fiunt, iuxta D. Thom. 3. par. qu. 25,  
art. 2. & 3. Seruus Dei apprime dilexit,  
dum; ut iam attigimus, huc vniuersum  
vitæ suæ tenorem direxit, quam assidua  
mortificationum exercitatione transigebat,  
non aliud enim sibi volunt denudati in as-  
peritatem pedes, patens ad iniurias, non  
tàm coeli, quàm hominum caput, succinta  
ad rigorem vestis, subtractus ad castigatio-  
nem cibus, lectulus ad duritiem, vita ad  
laborem, flagella ad pœnam, cilicia ad  
inacérationem, de quibus omnibus depo-  
nunt in Processu Granatensi *super*

25. VI. IX. XIV. XV. XVI.

& *super* 5. II. XV. & XIX.

In Salamantino III. *super*

28. V. *super* 24. XX.

*super* 28.

\*\*\*

\*\*\*

*De Paupertate, Castitate,  
& Obedientia.*

**S**I perfecta, veraque Paupertas est, omnia propter Deum spontè, & libentè dimittere, nihilque præter solam necessitatem possidere, cum verus pauper nulla transitoria concupiscat, nec ullam sollicitudinem de illis habeat, sed simpliciter, ac securè se Deo committat, teste Alberto Magno *in libell. de Virtutibus O. S.* Uti- què fatendum est, pretiosioribus veræ paupertatis diuitijs Seruum Dei Ioannem, abundantè affluxisse, qui cum se ipsum, in nouitate sensus reformasset, quò magis abundaret diuitijs, essetque perfectus, vendidit omnia, quæ habebat, deditque pauperibus, vt haberet thesaurum in Cælo, laborauit in diminutione victus, vt vberiore pauperibus mensuram porrigeret, esuriuit ipse, vt illi ederent, & saturarentur, vigilauit, vt fiducialitè requiescerent, seminudus ipse incescit, vt illi vestirentur: ad summam deniquè redactus inopiam, & factus diues, cum nihil haberet, nè ipsi indigerent, ex quibus iuremeritò adstrui-

Matth. 19.  
Eccl. 31, 23

**E**mus



mus in ipso paupertatem, de quo etiam deponunt in Processu Salamantino *super* 26. II. III. XX. & in Granaten. *super* 25. III. & XX. *Et super* 28. IV. *Et super* 27. Quintus.

Castitatem verò, quæ in integritate corporis, ac Immunitate à delectationibus, & magis formalitèr in proposito ab his abstinenti consistit, secundum D. Thomam 2. 2. *quæst.* 152. *art.* 1. *Et* 3. in Ioanne deprehendimus, qua nedum corpus suum integrum, atque delectationibus immune seruauit, vt deponunt in Processu Salamantino *super* 26. III. & XX. Itaut puritatis ipsius candor nè suspicionis quidem, aut cogitationis maculam admiserit, vt asserit idem III. Testis, sed ipsius studia, ac labores huc potissimum contulit, vt carnis concupiscentiam in proximum etiam exterminaret. Ideo enim itatis diebus quasi venabundus Lupanar ingrediebatur, vt Meretrices à Dæmonis seruitute vindicaret, illas hortationibus, precibus, lachrymisque aggrediebatur, ac pro ipsarum conuersione Deum exorans, & vbi ista non proficerent, æqualem futuro Meretricis



cis lucro pecuniam offerebat, ut ab impudico carnis contubernio vile mancipium, quasi postliminio reuersum Christo redimeret, proposito sibi forsan ad imitationem Sancto quodam Viro, Vitalio nuncupato, Seridenis Abbate, qui, ut refert Leontius *in vita Ioannis Eleemosinarij* c. 35. cum Sol occumberet, manducabat vnius ærei lupinos, & intrabat ad vnam Meretricem, & dabat ei nummos, & dicebat; Dona mihi noctem istam, & noli fornicari, & manebat iuxta eam nocte illa, obseruans eam ne fornicaretur, stabat ergo à Vespere in vno angulo cellulæ, vbi dormiebat mulier, psallens, & orans pro ea, & mittens genuflexiones vsque ad auroram, multas igitur de talibus mulieribus in compunctionem induxit hæc operatio eius, & maximè quando videbant eum nocte extendentem manus, & orantem pro vnaquaque earum, propter quod quædam earum à fornicatione cessabat, quædam verò accipiebant viros, & pudicè conuersabantur, quædã verò, & modis omnibus relinquentes singularem vitam ducebant. Neque inæqualem fructum Ioannes retulit, plures

enim conuertebat, vt deponunt in Processu Matritano *super* 31. I. Testis, in Granatenfi *super eodem* 3. XIII. & XIV. Huc etiam respiciebant labores, atque vigiliis, quas in eo collocabat, vt indigentibus honestis mulieribus, Viduis præsertim, Virginibusque clàm alimenta subministraret, comparato ad laborem exercitio, nè otium in pudicitiam, honestatemque peccandi ansam inijceret, vt præfata deponunt de publica voce, & fama, ac partim de visu in Processu Matritano I. *super* 31. in Granaten. II. *super* 30. III. *super* 31. & XIV. *super* 73.

Sicuti cæteras inter virtutes primatum obtinet Obedientia D. Thom. 2. 2. q. 104. art. 13. per illam namquè voluntas propria, quæ inter suprema rerum humanarum bona reponitur, propter Deum abnegatur, per alias verò virtutes morales contemnuntur bona exteriora, & corporis, quæ inter, & bona media connumerantur. Ità hæc Seruo Dei non defuit; Non solum enim abnegauit semetipsum factus obediens vsque ad mortem, vt Euangelicæ legis præcepta seruaret, quemadmodum ex  
dedu-

deductis conijcitur, sed hominum etiam  
 voci obediuit, vt reciperet benedictionem  
 à Domino, cum enim Archiepiscopus Tu-  
 den. qui Granatæ præsidebat, cuius etiam  
 mandato cognomen Dei sortitus est Ioan-  
 nes, ipsi, Socijsque vitæ, ac vestitus nor-  
 mam præscripsisset, reuocato etiam ad cer-  
 tam disciplinæ regulam instituto, Seruus  
 Dei eam præstitit Obedientiam Antonio  
 Martino Superiori inter omnes socios ele-  
 cto, quam Præpositis præsertim Ecclesia-  
 sticis exhiberi iussit Apostolus, dum dixit,  
 obedite Præpositis vestris, & subiace-  
 te eis, vt deponunt in Processu Salamantino *su-  
 per 26. II. & super 19. III. ac XX.* & cum  
 in læthalem morbum incidisset, enixè ro-  
 gatus à nobili quadam Matrona, vt pate-  
 retur ad ipsius domum transferri, quo  
 commodiùs curaretur, ipse dicens velle  
 inter suos pauperes mori, semper restitit,  
 quousquè superuenit eiusdè Archiepisco-  
 pi præceptum, id sibi in Obedientiæ legem  
 mandantis, cui statim paratissimo animo  
 obediuit, vt deponunt in Processu Grana-  
 tensi *super 42. IX. XII. & XIII.* Imò, si  
 pueri præcepissent, vt propter amorem  
 Dei

Ad Hæbr. 13.  
 c.

Dei se humi deiiceret, ipse, quāuis onere aliquo prægrauatus, aut cæteris impeditus curis, illicò obsequabatur, vt deponit in eodem Processu Granatenfi *super 27. IX. Testis*, & iam supra attigimus.

*De frequenti Oratione; cæterisque  
Virtutibus.*

**A**ctus Religionis interior est oratio; quæ à Damasceno *lib. 3. de Orthodoxa fide cap. 24.* appellatur ascensio mentis in Deum, aut eorum à Deo postulatio, quæ postulare conuenit, hæc Cælo, Terræ, Mari, Infernoque dominatur, ac imperat, vt inquit S. Antoninus *in Summa tit. 5. cap. 8. §. 8. post med.* Cælo quidè, quia Orantibus Iosue, & Coprete, vt refert Ruffin. in ipsius vita *cap. 9.* per plures horas Sol firmavit se, obediens voci hominum terræ, quia bella, & pestis, quibus destruitur terrarum Orbis, per illam tolluntur, vt in Iuda Machabeo cum fratribus, & in Dauid orante tempore pestis. Mari, nam Maris tempestas, orantibus Christum Apostolis, sedata est. Inferno deniquè, quia ab ipsius

Iosu. 10.

2. Regum.

ipsius faucibus Gregorij orationes Traianum eripuerunt, hinc orantis felicitatem extollens S. Ioann. Chrysost. considera, inquit, quanta est tibi concessa felicitas, quanta gloria attributa, Orationibus fabulari cum Deo, optare quod velis, quod desideras postulare, hanc porro felicitatem Seruus Dei Ioannes agnoscens, assidue Orationi vacabat, ita ut orando maiorem noctis partem transigeret, & aliquando exceptus hospitio à quadam nobili Matrona, vix sumpto cibo intra Oratorium Domus se claudebat, & cum domestici, quid illic ageret, explorarent, obseruarentque, aspexere illum denudatis in terram genibus procumbentem, & tota ferè nocte Orationes recitantem, vix dempta hora, quam in somnum erogabat. In via assidue recitabat Rosarium, quod semper præ manibus habebat, & licet in pauperum officia incumberet, non ideò linguam, aut mentem diuertebat ab Oratione, hic etià emanabat ipsius pietas, siue deuotio in Sanctos omnes, præsertim verò illa in Beatissimam Virginem, quam satis continua Rosarij recitatione testabatur; supradicta omnia deponunt

ponunt de publica voce, & fama, ac etiam de visu in Processu Granatenſi *ſuper* 58. V. Testis, & *ſuper* 35. XV. & XVII. & in eodem Processu extracti IX. & X. *ſuper eodem*, qui aſſerunt, Seruum Dei propter Orationem plures à Dæmone perſecutiones paſſum, atque moleſtias, II. *ſuper* 30. III. *ſuper* 31. in Processu Salamantino, & *ſuper* 35. II. & *ſuper* 24. XX.

Ex quibus omnibus ſatis liquet in hoc Seruo Dei omnia virtutum adſuiſſe ornamenta, iſta tamen ad ſummam decoris ſpeciem inſigni prouexit humilitate, quæ ſicuti neceſſariò requiritur in eis, qui ſunt canonizandi, vt pluribus comprobatur Caſtellan. *de Canonizat. Sanct. qu. 5. verſ. 3. neceſſarium*, ita hic maiori probatione non indiget, cum ex ſuperiùs ponderatis liquidò conſtet, vniuerſum vitæ Ioannis Dei tenorem vndequaquè humilitatem comprobare, de qua tamen deponit etiam in Processu Granatenſi *ſuper* 30. XLIII. Testis.

*De fama, & communi opinione Sanctitatis, ac veneratione Imaginum Serui Dei.*

**H**Atenùs de Virtutibus heroicis, quæ Ioannis Sâctimoniam singulari fide testantur, actum est ; Nunc ea subijciemus argumenta ; quæ ad generalem eiusdem Sâctimoniæ probationem maximè conferunt, Famam nempe, communemque opinionem Sanctitatis huius Scui Dei, eiusdem Imaginum Venerationi coniunctam, quam necessariam esse ex pluribus concludit idem Castellan. *de Sanctorum Canonizat. quest. 5. vers. Ex his colligitur* : Hanc verò Ioannes tam viuus, quàm mortuus assequutus est.

Viuens quidem, quia sicuti Omnipotens rerû omnium Conditor Deus Seruum suum ad sublimem Sanctitatis gradum promouere decreuerat, itaque talis dignosceretur apud homines, qualis erat futurus in oculis ipsius, Serui sui natiuitatem quasi exorientis Solis auroram non solum prodigiose lucis splendoribus, qui super Domo Ioannis apparuerunt, sed etiam applausu



dignatus est, dum campanæ Parochialis, nullo percutiente, mirabiliter sonitum ediderunt, vt partim de auditu à maioribus, partim de notorio, publicaue voce, fama, atque communi opinione deponunt in Processu Elborensi *super 2. articulo*, IV. Testis *fol. 477. V. fol. 483. VI. fol. 489. X. fol. 511. XIII. fol. 555. XXVI. testis extractus fol. 543. XXIII. super 7. fol. 573. & VII. Testis super 41. fol. 496.* quorum aliqui asserunt nonnullos inde præfagisse, Sanctum aliquē in domum Ioannis enasci.

Ex quo intelligimus qualis de ipso futura erat apud homines opinio, quæ ortum vitæ comitata Sanctitatem præcessit, licet tãdem toto vitæ suæ spatio heroicis postea virtutibus conciliatum ità comprobauit, vt apud omnes, non tàm propter heroicas virtutes, quàm propter ea, quæ illius intercessione Deus operatus est, Sanctus haberetur, vt partim de facto proprio, partim verò de publica voce, & fama, communique opinione concludunt in Processu Salamantino V. Testis *super 24. fol. 1140.* in Processu Granatensi I. Testis *super 8. fol. 78. II. super 9. fol. 91. III. super eodem fol. 97. V. super*



*super 8. fol. 111. & 112. VI. super eodem 9. fol. 120. XV. super 8. fol. 175. XVI. super eodem fol. 181. & alij quamplures, itaut Ciuitas Granatensis Dominum laudaret propter magnalia, quæ Seruo suo contulerat, gratiasque Opt. Max. referret, quod sibi virum tali probitate, & Sanctitate conspicuum concessisset, vtasserunt in eodem Processu Granatensi præcitat. XV. fol. 176. & II. extractus fol. 356.*

Hæc porro Sanctitatis Fama, communisque reputatio, quam Seruus Dei in suauissimarum odorem virtutum sibi viuens comparauerat, maiora in ipsius obitu incrementa suscepit, lecto enim infirmatus decumbens, iamquæ Sacramentis omnibus ritè ad certamen separationis animæ à corpore instructus, vt deponunt in processu Granatensi *super 43. VI. VII. VIII. X. & XIII.* sub capellendæ quietis prætextu, iussit omnes è cubiculo exire, quibus post modicum temporis spatium, audito quodam strepitu, reuersis, inuentus est Seruus Dei, iam emenso foelicitè humanæ vitæ spatio, redditaque Creatori anima, proprijs indutus, vestibus, profilijsse è thoro, flexis

adhuc in terram genibus consistere inclinā-  
 to capite ad pedes Christi Crucifixi, quem  
 adhuc perstrictum manu sustinebat, quod  
 de alio Ioanne Anachoreta humili nuncu-  
 pato refert Ioannes Moscus in ipsius vita  
*cap. 87. dicens: Ingressi autem inuenimus*  
*Anachoretam defunctum, erat autem in-*  
*dutus cilicio, & pallio, tenebatque in ma-*  
*nibus argenteam crucem.* Sed noster Io-  
 annes odorem mirè fragrantem vlteriùs  
 diffundebat, itaut rei nouitate vniuersa Ci-  
 uitas commota illuc confluxerit, vt Serui  
 Dei corpus mirabiliter consistens intueretur,  
 quod in ea membrorum compositio-  
 ne per sex circiter horas permansit, quousq;  
 inaduertentèr indè dimotum est, vt aptius  
 intrà arcam reconderetur, prout de visu  
 deponunt in processu Granateni XVIII.  
 testis annorum 94. *super 44. fol. 191.* V.  
 annorum 89. *super eodem fol. 109.* XIII.  
 annorum 93. *fol. 161.* XVI. annorum 92.  
*fol. 167.* & de publica voce, & fama *super*  
*eodem VII. annorum 95.* asserens se vnà  
 cum matre accurrisse, vt Ioannis corpus  
 aspiceret, & quamuis propter maximum  
 Populi concursum non potuisset ad do-  
 mum

num accedere, audiuisse tamen id tunc  
passim narrari ab illis, qui viderant, VI. an-  
norum 84. *fol. 374.* XXI. annorum 52.  
*fol. 278.* subdens ex propria scientia, ac  
etiam de auditu ab alijs, Oratorium, in quo  
Seruus Dei obiit, eandem fragrantiam,  
odorisque suauitatem pluriès reddidisse,  
quam corpus per nouem dies subsequentes  
reliquit. VIII. annorum 92. *fol. 131.* X.  
annorum 98. *fol. 144.* XVII. annor. 82.  
*fol. 186.* & alij plurimi.

Non solum verò Granatensis Ciuitas  
vniuersa, sed finitimi etiam Populi, maxi-  
mam, quam de Sanctitate Serui Dei con-  
ceperat opinionem, in Ioannis funere præ-  
cipua significatione testati sunt. Funus  
enim insigni apparatu instructum, omnium  
gentium, ordinumque concursu frequens,  
Optimates subiungere feretrum, quod Reli-  
giosorum omnium Confraternitatem, to-  
tiusque Cleri Familiae longa serie præcede-  
bant, vniuersa verò Ciuitas, alijque deuoto  
mœnore, laudibusque luctuosis prose-  
quebantur. Delatum est ad Ecclesiam Vi-  
ctoriae nuncupatam, statimque Sepulcro  
reconditum corpus, vt è confluentis vndi-  
quæ

quæ innumeræ multitudinis manibus eriperetur. Alij feretro coronas admovebant; alij pugionibus arcæ frustra subtrahebant, vt tanquam Sancti reliquias asseruerent, ita de visu in eodem processu Grana-  
tensi deponunt super 45. Primus, V. VI. VIII. & extracti super eodem primus, & secundus.

Hester. 9.

Sed cum Ioannis funere ipsius Sanctitatis fama non interijt; quinimò crevit quotidie, & per cunctorum ora mystici huius Mardochæi nomen volitauit, quod auxerunt; vel confouerunt ea, quæ illius intercessionis operatus est Deus, qualia sunt Miracula; de quibus infra agemus, & impetratio gratiarum, quas concessit Dominus per contactum, non tam baculi, quam terre Domus Serui sui; de quibus deponunt in processu Tolerano super 41. tellis XII. XIII. & XIV. & super 10. Interrog. II. qui asserunt mulierem in fœtu transuerso, & pede ad caput posito, per applicationem præfati baculi ad vterum statim cum pueri salute parturisse, & eundem baculum in huiusmodi vsum pro impetrando salutari mulierum partu in Ecclesia Corporis Christi

sti asseruari, & non sine impetratione huiusmodi gratiarum adhiberi V. VI. VII. XV. XVI. & VIII. *super eodem* 10. Interrogatorio, & in processu Matritano Primus fol. 619. XVIII. *super* 41. XVII. *super* 10. IV. *super eodem*, qui pariter deponunt, mulierem ex foetu triduo ano per similem eiusdem baculi applicationem sine læsione peperisse. Et de virtute à Deo Optimo Maximo concessa terræ Domus, in qua Servus Dei Ioannes natus est, & ubi nunc Oratorium extructum. Infirmos scilicet eiusdem terræ contactu, & gestatione salutem in varijs tum febrium, tum vermium morbis sæpius recuperasse, de publica voce, fama, ac notorio, quàm etiam de facto proprio in processu Elborensi *super* 37. testis XI. XII. XV. XXVI. extractus XIII. & VII. IX. & II. & ideo prædicta domus magna habetur in Veneratione, ut deponunt in eodem processu Elborensi IV. *super* 37. V. *super* 1. dicens quamplures ad illam flexis genibus è longinquo accessisse VI. *super* 40. & *super* 37. VII. *super eodem*, & alij in eodem Processu *super* 37. Opinionem insuper de Ioannis Sanctitate

in 2 ab id  
obscuro  
22. 2

Genes. 35. 2

tate conceptam insignit etiam argumen-  
to testatur exhibita Veneratio Imaginibus  
Serui Dei, de qua deponunt in Processu  
Granaten. *super* 30. III. V. VI. XIV. XVI.  
& XVIII. qui concorditer asserunt, Serui  
Dei, tanquam Sancti Imagines palam in  
Ecclesijs, Sacellis, atque Altaribus vene-  
rationi Fidelium passim expositas.

Libr. de Spi-  
ritu Sancto  
c. 12.

Imaginis enim honor, teste Basilio, ad  
exemplar refertur, itaut cum picturam in  
Imagine cernimus ad veram formam, cuius  
Imago est, mentis oculo transeamus eum,  
quem Cœlo frui credimus, & apud Deum  
Intercessorem eligimus, piè venerantes,  
non ipsi quidem picturæ Venerationem at-  
tribuentes, sed eius Imaginem pro nostro  
erga eum, qui se nobis benignum Interces-  
sores exhibet amore, atque beneuolentia  
complectentes, vt loquitur Sanctus Ióan-  
nes Damascenus in vita Barlaam *cap. 19.*  
*vers. venerandam.*

## DE MIRACVLIS.

**S**uperest, vt transitum faciamus ad alia  
argumenta, quæ veluti certam ma-  
gis,

gis, atque indubitabilem æfferentia fidem  
Sanctitatis, iuxta S.R.E. Ritus, & Sacro-  
rum Canonum Sanctiones, in promouen-  
dis ad Canonizationem requiruntur, non  
tantum post mortem, sed etiam in Vita, in  
quo omnes concordant, ut testantur Ca-  
stellan. *de Canoniz. Sanctior. quest. 5. vers.*  
*Quintò necessariò, & nos superius in initio*  
*comprobauimus.*

Deus igitur Optimus Maximus, qui  
diligentibus se remunerator est optimus,  
& mirabilis in Sanctis suis, non contem-  
nens Seruos suos, quos in sui speciem, hoc  
est virtutum perfectionem efformauit, po-  
fuisse in Paradiso veræ, & indeficientis vo-  
luptatis, ut de ligno vitæ, visu pulchro,  
& ad vescendum suauis, quod vincenti ede-  
re datur, sui scilicet visione beatifica, insa-  
tiabiliter saturarentur, sed ad vberiore  
voluptatis mensuram, & accidentalis glo-  
riæ incrementum, ut Serui sui Ioannis San-  
ctitatem infallibili præpotentis suæ dexte-  
ræ testimonio quasi comprobaram, apud  
nos redderet nobiliorem, plura illius inter-  
cessione Miracula operatus est, quæ infra  
subijciuntur, omissis consultò disputatio-

Psal. 67.

Gen. 2. 6.

Apocal. 2. 6.



nibus, quæ Miraculorum essentiam, requisita, operationes, gradus, probationesque respiciunt, cum de illis maiores nostri in præcedentibus Relationibus sæpius, abundèque disceptauerint, prout etiam Castellan. d. tract. de Canoniz. Sanctorum q. 6. per totam.

## Primum Miraculum in Vita

*Seruus Dei illæsus flammæ  
euaдит.*

**C**um maximum in Regio Granatensi Valetudinario excitatum esset incendium, & Vniuersa Ciuitas accurrisset, ut non tam ædificij, quàm infirmorum incolumitati consuleret, aduolauit præ cæteris Ioannes, assuetus in publicam salutem Charitatis officijs certare, & cum incendiij vis maxima omnes detineret, quominus in suppetias, opemque pedes inferre audent, vel possent, Seruus Dei impavidus, toto spectante Populo, prosiliit in ignem, huc illuc inter flammæ perardentia discurrens tecta, quousque non tam pauperes humeris



meris exportatos, quàm lectulos è fenestris  
 proiectos ex incendio vindicauit. Sed iam  
 in immensum succrescentibus, ac corpus  
 vndequaquè ambientibus flammis, Ioan-  
 nes circumuentus, cum per dimidium horæ  
 ab omnium oculis ereptus, tamquam igne  
 absumptus, communi mœrore deplorare-  
 tur, incolumis ex incendio prodijt, obstu-  
 pescentibus, Miraculoque id omnibus ad-  
 scribentibus.

Factum concludunt de visu in Processu  
 Granatenſi *super* 34. VI. Testis annorum  
 85. *fol.* 117. VII. annorum 95. *fol.* 124.  
 VIII. annorum 92. *fol.* 130. XV. anno-  
 rum 88. *fol.* 173. XXI. annorum 88. *fol.*  
 211. & in eodem Processu extracti II. an-  
 norum 105. *fol.* 357. III. annorum 83.  
*fol.* 262. & alij quamplures.

Id verò adscribendum esse Miraculo pa-  
 tet euidentissimè. Cum enim ignis sit ele-  
 mentum, seu, vt quibus subtilioribus pla-  
 cet, summa caliditas substantiæ corruptrix,  
 illius substantia cum sit tenuissima, motu-  
 que omnia penetret, quod subiectum, vel  
 proximum illi est, semper vrit, absumit-  
 que, & in propriam substantiam vertit,

vndè eadèm ratione actiuitatis suæ flammæ, per quas Seruus Dei vagabatur, & quæ postremò ipsum vndiquè ambierunt, debuissent non tam vestem, quàm ipsum corpus absumere, vndè dum non modo corpus, sed ipsæ etiam vestes innoxie euaserunt incendium, vt deponunt Testes;

*Psalm. 65. 6.*

*Daniel. 3. 6.*

*Psalm. 90.*

Constat manifestè id fuisse opus admirabile dexteræ illius, qui transeuntes per ignem, & aquam educit in refrigerium, qui mittit Angelum suum in fornacem puerorum, vt excutiat flammam ignis, & faciat medium fornacis quasi ventum rosis flantem, ne tangat eos omninò ignis. Hanc enim admirabilem prærogatiuam dilectis suis D. O. M. concedit, vt super aspidem, & regulum ambulent, conculcent Leonem, & Draconem, sic enim vir Sanctus Abraham Eremita, Teste Ephrêm Diacono in eius vita *cap. 14.* ignem à Dèmone immisum calcat illæsus, & alius Abrahamo non dissimilis Copres, vt refert Rufinus in ipsius vita *cap. 9.* in nomine Christi consignatus, vt Manichei perfidiam euinceret, medias ingressus flammæ, quæ huc, illuc dispergi, ac fugere penitus ab ipso ceperunt,

runt, stetit in medio ignis media ferè hora  
innoxius. In hoc quidem à Ioanne dissi-  
miles, illi namquè integritate Fidei flam-  
mas superarunt, hic verò perfectiori Chari-  
tatis igne, quem aquæ multæ extingue-  
re, nec flumina possunt abruere, ignem  
deuicit.

## Secundum Miraculum post mortem.

*Incurabilem, & fistulosam plagam  
sanat.*

**H**VMores à missione sanguinis facti  
in pede Sebastianæ Gomez exci-  
tati eruperunt in cruce, desinentes in vlcus  
putridum valdè latum, ac corrosiuum,  
quod iam octo mensium spatio ità inua-  
luerat, vt callos in labiorum Orificij obdu-  
xisset, apertis etiam vlcerosis foraminibus,  
quæ malignantium, & corruptibilium hu-  
morum confouebat profluxus. Ægræ igi-  
tur nil proficientibus, quæ applicabantur,  
medicamentis, & tandem destituta à Chi-  
sur-

rurgo, qui affirmabat plagam esse insanabilem, & indigere validioribus vñdionum, sudorumque medicaminibus, quibus etiam diuturno tempore difficillimè curari poterat, confugit ad Domum Serui Dei, cui toto ex corde, deuotèque se ipsam commendans, emissio voto pollicita est, se maius quàm posset saxum ad domum ipsius capite delaturam, quatuor post dies nullo medicamento adhibito cum se penè incolumem reperijsset, sola vlceris permanente crusta, illicò defixis ad Imaginem Serui Dei oculis, integram valetudinem deprecata est, quam sequenti statim die recuperavit, parua tamen cicatrice remanente forsan, vt diuini operis vestigium appareret.

Factum in hunc modum concludunt eadem Sebastiana in Processu Elborensi *super* 10. fol. 570. idem Chirurgus fol. 568. & Didacus Gonzalez maritus Sebastianæ *super* eodem fol. 568.

Id verò miraculosè factum esse censuimus, non quidem ex sola qualitate vlceris putridi, magni, corrosiui, & callosi, quod tanquàm arguens salum acrimoniam, ac mali-

malignitatem, si non est impossibilis secundum vires naturæ, saltem difficillimæ est curationis, ut testatur Galenus 4. *meth. med.* sed ex ratione, ordineque recuperatæ Sanitatis, quæ à natura intra angustam, adedò quatuor dierum breuitatem, nullo adhibito medicamento fieri nullatenus poterat. Cum similes actiones paulatim, & non nisi diuturno tempore operetur, maximè in casu isto, in quo prius callositatem remouere oportebat, ut docet Hippocrates ibi: *Vlcus callosum factum, eiectione primùm duritie per putrefactorium medicamentum contingere oportet, & opus erat emundare vlcus à putredine præcedentibus assiduis purgationibus, atque absterisionibus.* Cum igitur ex prædictis constet, hoc factum excedere vires naturæ, meritò censuimus factum miraculosè à Deo ad intercessionem Serui sui Ioannis, quod ex Commendatione infirmæ, ac voto Ioanni emisso satis deprehenditur, Castellan. de Canonizatione Sanctorum 7. q. in principio, & in vers. quod autem Miraculum.

## Tertium Miraculúm post mortem.

*Baculus Serui Dei mulierem, maxi-  
ma feбри, doloribusque, ac qua-  
triduoano fatu mortuo op-  
pressam, à morte  
liberat.*

**A**Gnes de Varca quatuor dierum spa-  
tio foetum mortuum gestarat in ute-  
ro non sine vehementi febrium, dolorum-  
que accessione, iamquè adhibitis in vanum  
remedijs, morboque ingrauescente, viri-  
bus adeò defecerat, vt communi Obstetri-  
cis, Medicique iudicio, & assertione pro-  
xima haberetur morti. ad quam Sacramen-  
tis omnibus instructa fuerat, allatus est à  
marito Baculus itinerarius Serui Dei, quem  
cum puerpera, ex corde, deuotèque Ioan-  
nis opem implorans, ventri applicuisset,  
statim quamdam fœtus commotionem  
sensit in vtero, subsequuta pedis emissionem,  
quæ certam indè incolumitatis spem arri-  
puit,

puir, prout postmodum, foetu emisso, ab omni febris, dolorumque vexatione remansit libera, itaut quinque post dies è lecto penitus incolumis surgere potuerit.

De facto in hunc modum concludentèr deponunt *in Processu Toletano* eadem Agnes *super* 41. fol. 882. Matthias Guttieres Obstetrix *super eodem* fol. 922. Doctor Apollinarius Vallasquez Medicus *super* 10. *Interrogatorio*, fol. 944. Ioannes de Cobes Maritus *super* 41. fol. 871.

Partum huiusmodi Miraculosum esse nobis visum fuit, quia ad partum naturalem tria copulatiuè requiruntur. Primò impetus foetus ad exitum; Secundò, facultas vteri impellens; Tertiò, viæ non impeditæ, ut colligitur ex Hypocrat. 1. *de morb. mul.* & lib. de extract. foetus, & Paul. lib. 6. cap. 22. Aetio lib. 16. cap. 23. Quorum neutrum in casu isto concurrebat. Non primum, quia foetus, cum esset mortuus, prorsus carebat spiritalibus adiuuentis, ex quibus impetum habere, vel recipere posset ad exitum. Non secundum, quia partes vterinæ ob dolores, & febrim, & contactum à frigido, mortuoque erant imbecilles, &



inaptæ ad expulsiõnem mortui, atque ponderosi. Non tertium deniquè, quia claustrum vterinum cum esset angustatum ex inflammatione, ac dolore, densatumque à contactu frigido, & mortuo non poterat præbere aditum: Vndè cum, his non obstantibus, subsequutus fuerit exitus, ac partus salutaris, atque excedens vires naturæ, id sanè Miraculo adscribendum est, quod etiam testatur instantaneus exitus ad applicationem Baculi Serui Dei Ioannis, cuius ideò intercessione operatum esse satis colligitur ex præcedenti auxiliij ipsius inuocatione, atque ipsiusmet Baculi contactu, vt in simili deduximus in superiori Miraculo, ad cuius rei confirmationem plurimùm conferunt ea, quæ ex pluribus testium depositionibus supra ponderauimus circa communem Venerationem huius Baculi, quem prædicti Testes in huiusmodi vsu, nempe pro obtinendo salutari mulierum partu asseruari, atque adhiberi testantur.

\*\*\*

\*

H

Quar.



## Quartum Miraculum post mortem .

### *Oculorum Infirmitatem sanat .*

**S** Auina Baptista puella annorum quatuor, in eam incidit infirmitatem, vt profluentium humorum concursu tumefactos, atque obumbratos oculos non posset aperire, vt cum, ad motis quibusdam medicamentis, tumor subsedisset, oculique essent aperti, adhuc tamen illorum lumine ad eò impedita remansit, vt duorum mensium spatio nihil penitus videret. Cum verò ipsius Mater ad Valetudinarium Ioannis Dei accessisset, vt Chirurgum pro salutæ filiæ consuleret, à pia quadam muliere Valetudinarij Ministra commonefacta, vt potius ad auxilium, opemque Serui Dei confugeret, se ad Ecclesiam contulit, ibique effusis lacrymis, Rosarioque recitato, ac deuotione, quam maxima Ioannis intercessionem filiam commendans, pollicita est, eandem ipsius Serui Dei habitum assumpturam, die sequenti puella se visum recuperasse signi-

ficans, plura proprijs nuncupata nominibus in restitutæ lucis testimonium designauit.

Hoc factum, prout superiùs narratur, concludentèr probant de certa scientia in *Processu Granatensi* Maria de Zamora Mater puellæ *super 2. fol. 419.* Thomasa Faxardo Amita puellæ, habitans in eadem domo *super 10. fol. 294.* Ioanna de Alfero Valedudinarij Miniltra, quæ suauis, ut ad intercessionem Ioannis Dei Mater confugeret *super eodem 10. interrogatorio, fol. 318.*

Hanc verò oculorum illuminationem adscribendam esse Miraculo censuimus, attenditùm qualitate infirmitatis, quæ visum puellæ obtenebrarat, itaut iam per duos menses nihil videret, ut iidem Testes deponunt; tum etiam instantanea visus recuperatione, quæ nullo maximè adhibito medicamento, cum excedat vires naturæ; Sensim, & per successiuas alterationes solum operantis miraculum arguit, Archidiaconi *in cap. nec mirum num. 6. 7. 8.* & ibidem Bellam. *num. 5. 26. q. 5.* & quod emanauerit ad intercessionem Serui Dei Ioannis, sufficientèr comprobant ad ipsum preces effu-

effusæ, & præcedentis voti nuncupatio, ut  
iam in alijs deduximus.

## Quintum Miraculum post mortem.

*Lethalem hemorrhagiam, ac febrem  
sanat.*

**P**Hilippæ Arayz trium cum dimidio an-  
norum puellæ febribus laboranti su-  
peruenit per os, ac nares immoderatus exitus  
sanguinis, qui post quadrantis vnus  
assiduam profluxionem, cum tantillum re-  
misisset, nouis inualefcentibus symptomati-  
bus, iterum per tres vices copiosus cæpit ef-  
fluere ad trium circiter sanguinis concreti  
librarum pondus. Vndè cum corpusculum  
illud tenellum ad extremum vitæ peruenis-  
set, ob idque adstantes morienti candelas  
ad Sacram Consignationem appararent,  
puella oculos aperuit, & ad integros sensus,  
ac difficultatem loquendi restituta, statim,  
sanguine adhuc è naribus manante, Ioannis  
Dei nomen inuocauit ex se ipsa, significans,  
ut terram Domus Serui Dei adiuuarent.

foramini narium, vnde sanguis effluebat, quo statim peracto, illicò sanguinis fluxus cessauit, integrèque conualuit.

Factum in hunc modum concludentèr deponunt ex scientia, & de visu in *Processu Elboreñ* Balthazar Rosatus Auus eiusdem puellæ ad X. fol. 547. qui subdit etiam se ipsum per appensionem ad collum terræ eiusdem Domus Serui Dei à febris fuisse liberatum, Franciscus Rosatus Pater puellæ ad eundem fol. 551. qui etiam de auditu deponit de præfata à febris liberatione Balthazaris Patris, Barbara de Costa Amita puellæ ad eundem fol. 555.

Hunc sanguinis profluxum, quem Medici hemorrhagiam nuncupant, miraculosè firmatum subsequuta recuperatione salutis celsuimus, quia vberior, largiorque ista sanguinis profusio, non ex abundanti illius copia in casu isto manare poterat, siquidè in puella tepellæ adeò ætatis febricitanti, ac maximè in æstiuis ardoribus nullatenus sanguis poterat abundare, sed erat necessariò referenda ad vitiosam ipsius sanguinis qualitatem, in qua eo potissimùm ætatis tempore, ætate, & statu sanguis peccare solet, quod

quod etiam comprobare possunt grauiora illa  
 symptomata, quæ in tota sui duratione se-  
 cum deferbat, tanquam indicantia maligni-  
 tatem. Et consequenter in hoc statu he-  
 morragia ista vix poterat firmari, quia, vt  
 inquit Valerius 6. Epid. sect. 3. textu 19.  
*Fluxus sanguinis à vitiosa qualitate mi-  
 nus potest contineri, quam qui à multitudine,  
 hic enim mox atque exijt, quod redun-  
 dat, spontè cessat, sublata scilicet fluendi  
 causa, ille verò nunquam cessat, quia quan-  
 tumuis minuatur copia, maligna qualitas,  
 quæ irritat fluxum sanguinis, non exit seor-  
 sum, quod in eo est malignum, sed simul  
 totus, quare quantumuis sit euacuatum,  
 quod superest, est eadem malignitate, qua  
 quod inerat. Et sic in casu isto cum sanguis  
 in vitiosa qualitate peccaret, licet euacuata  
 quantitate, adhuc tamen remanebat prauæ  
 qualitatis irritatio, vnde ex se difficillimè  
 firmari poterat.*

Cum igitur nullo rectè operantis naturæ,  
 aut artis ministerio, sed ad solam applicatio-  
 nem terræ Domus Serui Dei Ioannis repen-  
 tē sanguinis fluxus firmatus fuerit, acceden-  
 te etiam febris cessatione, ac omnimoda

salutis recuperatione, quæ ex abundanti  
adeò sanguinis emissionem desperari poterat,  
vtiquè id diuinitùs per merita, ac interces-  
sionem eiusdem Serui Dei fatendum est eue-  
nisse. Terra enim illa ex sui natura, imò  
nec quoduis aliud, licèt adstringentissimum,  
remedium potuisset tam celeritè, ac repen-  
tè hemorrhagiam hanc sistere, quæ successi-  
uam naturæ operationem exposcebat secun-  
dum methodum medendi similibus morbis,  
quam præscribit Hippocrat. *lib. 6. de morb.*  
*vulg. sect. 6. Gal. 5. method. med. & Paul.*  
*lib. 4. cap. 53.* maximè cum narium extre-  
mitate in pauca portiuncula fuerit solum-  
modò admota, quæ ideò nullatenùs potuif-  
set compescere largam, atque vberiorem  
ex interioribus tum narium, tum oris pene-  
tralibus profluentem sanguinis copiam.

Ad confirmationem Miraculi accedit,  
quod puella trium annorum rationis expers  
ad extremam deducta imbecillitatem, ac  
omnibus spirituum functionibus destituta,  
repentè experrecta, & ad integros sensus re-  
stituta, oculos aperiens, Ioannis primùm  
nomine implorato, opem sibi ferri deposcens  
in medicamentum terram Domus Serui Dei  
postulauit.

Con-

Concurrunt etiam ad maiorem corrobor-  
 rationem ea, quæ superius ponderata sunt  
 circa virtutem eiusdem terræ. Domus, de  
 qua testes deponunt, asserentes eandem  
 Domum maxima haberi in Veneratione, &  
 ad eiusdem terræ cōtactum Deum Opt. Ma-  
 ximum plures gratias passim, & crebrò con-  
 cedere.

### Sextum Miraculum post mortem.

*Febricitantem sanat, & ad sensus  
 restituit.*

**B**Eatrix Casebræ de Gama cum vehe-  
 mentissima febris, admodumquæ pe-  
 riculosa per mensem laboraret, ac decem,  
 & octo dierum spatio sensibus fuisset omni-  
 nò destituta, in summum vitæ reuocata di-  
 scrimen, desperantibus illius salutem Me-  
 dicis, Sacro Chrysmate perungenda mox  
 erat.

Allata est, monitu pij cuiusdam Viri, por-  
 tiuncula terræ Domus Serui Dei Ioannis,  
 quam cum Ægrotantis collo appendissent,



illicò, nulla mora interposita, ad deperditos sensus reuocata est, & deindè absque vlla medicamentorum ope conualuit.

Ita deponunt de visu, ac certa scientia, in *Processu Elborensi* eadem Beatrix filia ad eundem fol. 586. Agnes Cardosa ad eundem fol. 584.

Id miraculo adscribendum esse patet, tum quia sanatio subsequuta est repentè, considerando potissimùm, quod Infirma postquam 18. dierum spatio sensuum operationibus caruerat, statim, ac nulla interposita mora ad contactum terræ huiusmodi in suos sensus redijt, quam subitam operandi rationem Medici non agnoscunt, ex deductis in alijs Miraculis.

Præsertim verò accedit, quod amissio sensuum proximam mortem significabat, ex Hypocrat. 4. *aphor.* 94. & iam præcesserat febris per 30. dies, quæ omnia arguunt in Muliere ista, maximè sexagenario proxima, ac viribus destituta, huiusmodi subitam sensuum recuperationem non potuisse naturalitèr euenire, vndè Miraculum arguitur ex deductis.

67

*De Validitate Processuum, & legitimo examine Testium.*

**O** Mittitur hæc ultima pars, quia super dd. Processibus tanquam validis, & releuantibus concessum fuit à fel. rec. Urbano VIII. sub die 21. Septembris 1630. Breue Beatificationis tenoris sequentis.

**VRBANVS PAPA VIII.**

*Ad perpetuam rei memoriam.*

**I**N Sede Principis Apostolorum, nullis licet nostris suffragan. meritis Diuina prouidentia constituti, ad ea, per quæ Seruorum Christi Veneratio in Terris promoueatur, & laudetur Dominus in Sanctis suis, Pastoralis muneris nostri partes propensis studijs impendimus, prout pia Christifidelium, & præsertim Catholicorum Regum, & Principum vota esposcunt, Nosque conspiciamus in Domino salubritèr expedire.

Sanè nomine Dilectorum Filiorum Maioris, & aliorum Confratrum Congrega-

tionis Ioannis Dei sub Regula S. Augusti-  
 nis , Nobis nuper expositum fuit , quod  
 transmissis de mandato nostro ad Ven. Fra-  
 tres nostros S. R. E. Cardinales, Sacris Riti-  
 bus Præpositos, processibus Apostolica Au-  
 thoritate fabricatis , & in Sac. Rotæ Audi-  
 torio examinatis super Sanctitate, Virtuti-  
 bus, & Miraculis Serui Dei Ioannis de Deo,  
 Fratrum, vulgò (*Fate ben Fratelli*) nun-  
 cupatorum Fundatoris, ijsque in Congre-  
 gatione eorundem Cardinalium per plu-  
 res Sessiones acerrimè discussis , citato  
 etiam , & audito priùs super ijsdem , vt  
 moris est, Dilecto filio Promotore Fidei,  
 cognito primùm de Validitate Processuum,  
 deindè de Virtutibus heroicis , ac demùm  
 de Miraculis in Vita , & post mortem ab  
 Omnipotenti Deo intercessione dicti sui  
 Serui patris, referente dilecto filio nostro  
 Petro Maria Sancti Georgij Diacono Car-  
 dinale, iisdem Cardinales vnanimi consensu  
 pronunciarunt, tutò posse, quandocumquè  
 Nobis placuerit, ad Solemnem Canoniza-  
 tionem dicti Ioannis de Deo deueniri, & in-  
 terim Beatum nuncupari, ac Missam, &  
 Officium de eo, vt infrà, recitari, & cele-  
 brari;

brari; Quare pro parte non solum Maioris,  
 & Confratrum prædictorum, verum etiam  
 Carissimorum in Christo filiorum nostro-  
 rum Ferdinandi Romanorum Regis in  
 Imperatorem electi, ac Philippi Hispania-  
 rum Regis Catholici, & Carissimæ in  
 Christo filiæ nostræ Isabellæ Hispaniarum  
 Reginae Catholicae, aliorumque Christia-  
 norum Principum nobis fuit humiliter sup-  
 plicatum, ut interim, donec ad solemnem  
 Canonizationem d. Ioannis de Deo deue-  
 niatur, idem Seruus Dei Ioannes de Deo  
 Beatus nuncupari, atque Officium, & Mis-  
 sa de eo, ut infra, celebrari possit.

Nos pijs Ferdinandi Regis in Impera-  
 torem electi, ac Philippi Regis, & Isabel-  
 læ Reginae, aliorumque Principum, nec  
 non Maioris, aliorumque Confratrum  
 prædictorum, votis in præmissis, quantum  
 cum Domino possumus, benignè annuere  
 volentes, huiusmodi supplicationibus in-  
 clinati, de eorundem Cardinalium consi-  
 lio, ut ipse Seruus Dei Ioannes de Deo in  
 posterum Beatus nuncupari, ac de eodem  
 ab omnibus dictæ Congregationis Regu-  
 laribus ubique existentibus quotannis in

die eius obitus Officium recitari, & Missa celebrari de communi Confessoris non Pontificis ritu duplici maiori per annum, iuxta rubricas Breuarij, & Missalis Romani, & quoad Missam etiam per alios Regulares, & Sæculares Sacerdotes ad eorum Ecclesias confluentes: In Ciuitate verò Granaten. nempe in Ecclesia, vbi eius Sacrum Corpus requiescit, & in Terra nuncupata Montemor il Nouo, vbi natus est, in omnibus Ecclesijs tam Regularem, quam Sæcularium Officium, & Missa ritu duplici minore recitari, & celebrari possit, & valeat; Ac pro præsentis anni dumtaxat maior, & alij Confratres dictæ Congregationis solemnem Beatificationem cum Missis in die eis beneuolè hinc Romæ in Ecclesia S. Ioannis Colabitæ, nec non alij Sacerdotes tam Regulares, quam Sæculares ad dictam Ecclesiam eo die confluentes cum eadem Missa, iuxta rubricas se conformare liberè valeant, Apostolica auctoritate tenore præsentium facultatem concedimus, & impertimur. Non obstantibus Constitutionibus, & Ordinationibus Apostolicis, cæterisque contrarijs quibuscumque.

que. Volumus autem, quod præsentium  
transumptis etiam impressis, manu alicuius  
Notarij publici subscriptis, & sigillo  
personæ in dignitate Ecclesiastica constitutæ  
munitis; eadem prorsus ubiquè fides  
adhibeatur, quæ ipsis præsentibus adhibe-  
retur, si forent exhibitæ, vel ostensæ. Dat.  
Romæ apud S. Mariam Maiorem sub An-  
nulo Piscatoris die 21. Septembris 1630.  
Pontificatus Nostri Anno Octauo.

*Signata deindè Commissione reassum-  
ptionis Cause, & expeditis nouis Litteris  
Remissorialibus pro confectiõne Proces-  
sum de ijs, quæ superuenerunt in Vrbe,  
nec non in Ciuitatibus Neapolitana, Gra-  
natensi, & Matritensi, quorum Validi-  
tas approbata fuit die 9. Februarij 1675.  
deuentum subindè fuit ad discussionem re-  
leuantia, & sub die 20. Decembris 1678.  
approbata fuerunt duo Miracula, subin-  
dequè die 13. Iunij 1679. san. mem. In-  
nocentius XI. decreuit tutò quandocum-  
què posse deueniri ad Solemnem huius Bea-  
ti Canonizationem, ut ex eodem Decreto  
tenoris sequentis.*

GRA-

## GRANATEN.

*Canonizationis Beati Ioannis de Deo  
Fundatoris Ordinis vulgò Fate  
ben fratelli nuncupati.*

**F**Acta relatione in Congregatione Sacro-  
rum Rituum, habita coram san. mem.  
Clemente Nono die 4. Octobris 1667. ab  
eoque signata Commiffione profecutionis,  
& reafumptionis caufæ Canonizationis Bea-  
ti Ioannis de Deo Fundatoris Ordinis vul-  
gò *Fate ben fratelli* nuncupati, in ftatu, &  
terminis; quibus reperiebatur post illius  
Beatificationem; Ex plerifque euentibus  
articulatis, contentifque in Proceffibus au-  
thoritate Apoftolica confectis, nedùm super  
ijs, quæ fuperuenerunt post indultam eidem  
Beato Venerationem, fed etiam quæ iam  
præcefferunt, conftituto de illorum validita-  
te die 9. Februarij 1675. Et ex ijsdem ab  
Eminentiffimo Domino Cardinali Carpi-  
neo Ponente in Congregatione generali  
eiusdem Sacræ Congregationis, habitæ co-  
ram Sanctiffimo Domino Noftro Innocen-  
tio



tio Papa XI. die 20. Decembris 1678. pro-  
 positis, ac plurimis discussis Miraculis, San-  
 ctitas Sua, auditis Consultorum sententia, &  
 suffragijs Eminentissimorum Dominorum  
 Cardinalium, distulit resolutionem, & tantæ  
 rei declarationem prius à Deo precibus po-  
 stulandam deliberavit. Quibus igitur per-  
 actis, denuò idem Sanctissimus, auditis Re-  
 uerendiss. Fidei Promotore, & Secretario  
 eiusdem Sacræ Congregationis, duo Mira-  
 culæ ex Processibus Neapolitano, & Roma-  
 no, tanquàm vera, & abundè probata com-  
 probavit, nempe primum instantaneæ sa-  
 nationis Ioannis de Marino Cruribus impo-  
 tentis attracti, & saucij septennij. Et quar-  
 tum instantaneæ sanationis Isabellæ Arcelli  
 à bubonibus, petecchijs, & carbunculis in  
 humeris absque cicatricibus. Ijsque stanti-  
 bus, & absolutis omnibus, quæ nouissima  
 decreta fel. rec. Urbani VIII. exigunt, de-  
 claravit, tutò posse quandocumquè deueniri  
 ad solennem prædicti Beati Ioannis de Deo  
 Canonizationem, iuxta Ritus Sanctæ Ro-  
 manæ Ecclesiæ, & Sacrorum Canonum di-  
 spositionem, eumque cum Deo regnantem  
 in gloria Sanctorum, eorumque Cathalogo  
 ad.

adiungere vniuersali Cultu colendum; &  
præfens Decretum expediri mandauit. Die  
13. Iunij 1679.

**Cæsar Card. Fachenettus.**

Loco † sigilli.

*Bernard. Casalius S. Rit. Cong. Sec.*

Reuifa.

**Bernardinus Peregrinus Subpromotor  
Fidei.**





George Washington  
President of the United States  
1789-1797

Number of votes received

1789

George Washington 69  
John Adams 34

1792

1796

1800

1804

1808

1812

1816









76.7

